

Sur Spiritual Sep Fidel Cadalbert (1908-1957)

Autor(en): **G.G.**

Objektyp: **Obituary**

Zeitschrift: **Igl Ischi : organ della Romania (Societat de Students Romontschs)**

Band (Jahr): **44 (1958)**

PDF erstellt am: **27.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

† Sur Spiritual Sep Fidel Cadalbert

(1908 — 1957)

Naschius ils 14 de mars 1908 a Rueun, ei Sur Sep Fidel Cadalbert morts a Compadials ils 3 de settember 1957.

In tscherchel de strusch 50 onns, mo tuttina tgiemblaues e fitaus da rosas resch-cotschnas e gelgias mur-alvas, da dolurs corporalas e victorias dell'olma. Sco el ein mo paucs che nus enconuschein, forsa mo aunc siu amitg Sur dr. C. Fry p. m., ch'ei vegni pitgai, dulai e modulai per saver vegnir duvrai, sursegliend il purgateri, pil s. parvis. — Sur Fidel e sur Carli eran buca mo casualmein buns amitgs: malsogna permanenta e suffrientschas endinadas havevan menau domisdus sin la medema via de pazienza e lavur. —

Havend fatg ses studis gimnasials a Mustér ed a Sviz, e mitschous leu buca mal dalla suite de mangognas e fleivleziyas, serenda el silsunter el seminari de s. Leci a Cuera, mo vegnia cheu ellas brauncas d'ina nauscha malsogna che smanatscha ed emprova de better el senza remischun avon porta per ina e per adina. Denton han protecturs sco Msgr. uestg Gisler e Msgr. uestg Luregn Mathias, domisdus è buca gronds herox en sanadad, giu compassiun e teniu cun el. Pertgei buc era? La finfinala ei il pitir e semudergiar aschi meriteivels sco il mo luvrar, barhar e travagliar.

Sur Sep Fidel ha empriu d'endirar e surportar buca mo ord atgna experientscha, mobein era entras il fatg ch'el ei duront bunamein 20 onns staus il spiritual ed amitg dils suffronts en plirs spitals. Anno 1933 celebrescha el sia messa nuviala a Rueun. 1935, enpei de saver ir sin pervenda, serenda el sco spiritual a Tavau el sanatori «Sanitas»; 1937 en medem uffeci el spital della Crusch a Cuera. Da cheu anora frequenta el enzaconts onns l'universidad de Friburg per far studis historics ed ei el medem temps danovamein spiritual, quellaga ella casa dil «Bon pasteur». 1942, malamein malsaus, retuorna el a Cuera

sco pazient e spiritual, e surpren sco tal, dal spital della Crusch anora, er'aunc il spital cantonal ed il «Fontana». Silsuentel sto el puspei ira in liung temps sco pauper pazient, cargaus cun ina nova malsogna, a Tavau. Aunc buca curaus diltut serenda el 1948 a Glion, sco spiritual puspei, entochen 1952. Sia davosa staziun della via della crusch, ei igl asil de s. Giusep a Compagnials (naven da 1955), nua ch'el, sez candidat della mort, empeila beinenqual vegliet viers ils aults dil s. parvis. Ils 3 de sett. 1957 ha ei lu tuccau ad el ded ira la medema via ch'el ha giu mussau a biars e biaras duront dus decennis quasi

Vesend savens e savens la mort en bucca ad auters, seriscudeva el mintgadi de sez stuer murir. Capeivel! Va ei gie cun nus tuts tuttina: «O Segner, jeu vi bugen pitir, pitir, mo buc murir», sco gia Giachen Hasper Muoth haveva detg avon 50 onns. Co di nies defunct sez en ina de sias b u n a s poesias (el publicava mo bunas!):

«Taluna, mort, ti mo taluna,
Ti mo zaccuda membr'ed ossa,
Jeu datgel nuot da tia luna,
Jeu stun, seruschnel buc en fossa».

E lu, havend el fatg de sedumignar cun ella, da forza e curascha, di la veglia aunc mai surventschida d'in soli sulet mortal:

«Per quellaga vi schar sura.
Mo tegn a quen, tucond la noda,»
sgregn'ell' «en cuort jeu tuorn sur ura!»

Serebalzava era siu giuven tgierp, endirius el semurtirar e sedustar, sche scheva e concedeva si'olma, sclarida e humiliada da cruschs e dolurs, quei che mo in'olma cristiana sa dir:

«Jeu sun mo in larmin
Rugada
Leuò sil prau,
Sin verda prada,
El bletsch canvau.

Jeu sun la spigia graun
Starschada
Amiez gl'iral,
E scultschanada
Da fridas pal

havessen franc era meritau ina pintga undrientscha materiala;
el havess saviu duvrar ina tala el senn d'exhortaziun e sustegn.
Denton da gliez resta la finfinala tuttina nuot; anzi, quei che
resta, ei mo quei ch'ins presta pigl ideal! E perquei vegn era
la memoria de Sur Sep Fidel Cadalbert a restar.

R. I. P.

Gm Ga

(Ulteriurs necrologs sur Sur Sep Fidel Cadalbert ein aunc compari en: Gasetta
Romontscha, nr. 73, 101. annada, 1957; Bündner Tagblatt, nr. 211, 105. Jahrgang,
1957; «Disentis», XXIV Jahrgang, nr. 3, 1957.)